



Broj: SS-39/22
Datum: 22.03.2022 godine

HITNO!

PARLAMENT FEDERACIJE BIH
Predstavnički dom – svim klubovima
Komisija za sigurnost
Dom naroda – svim klubovima
Komisija za sigurnost

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 23-03-2022			
Org. jed.	Broj	Priloga	Vrijednost
09,02	02-	621	122

01/5, 02/5

VLADA FEDERACIJE BIH
N/r premijera, g-din Fadil Novalić
Dopremijer, g-đa Jelka Miličević
Dopremijer, g-din Vesko Drljača
Ministar unutrašnjih poslova, g-din Aljoša Čampara

PREDMET: Usklađivanje plaća, t r a ž i s e.-

Poštovani,

temeljem saznanja da je u prijedlogu Budžeta Federacije BiH za 2022 godinu predviđena korekcija vrijednosti boda za obračun plaće sa 1,00 na 1,05, kao i da je u toku izrada izmjena i dopuna zakonskih propisa kojima su regulisane plaće i naknade naših članova - policijskih službenika, državnih službenika i namještenika u Federalnom ministarstvu unutrašnjih poslova i Federalnoj upravi policije, Sindikat službenika FMUP-a, kao zastupnik kolektivnih interesa i prava naprijed navedenih kategorija zaposlenika svim relevantnim donosiocima odluka, ukazuje na niže navedene činjenice koje se odnose na naš status u društvu.

Naime, u vrijeme donošenja Zakona o plaćama i naknadama 2010 godine, prosječna neto plaća u Federaciji BiH iznosila je **804 KM**, tj. u vrijeme kada je zakonodavac odredio koeficijente za obračun plaća policijskih službenika, državnih službenika i namještenika, pripadnika Sudske policije FBiH i dr., a koji množenjem sa osnovicom za obračun plaća od 330 KM koja je prvobitno bila na snazi, predstavlja osnovnu plaću policajca i namještenika sa koeficijentom od 2.70, a koja je iznosila **891 KM (2,70x330) i bila je za cca 11% viša od prosječne plaće u FBiH.**

Danas prosječna neto plaća u Federaciji BiH iznosi **1.045 KM**, a neto plaća policajca i namještenika i dalje iznosi **891 KM, što je za cca 17,3% niže od prosječne neto plaće u FBiH**, s tim da je dugi niz godina između 2010 i 2022 godine, osnovna plaća naših zaposlenika iz navedenih kategorija bila i manja (**850,50KM**) zbog osnovice od 315 KM. Iz navedenog je jasno da policajci i namještenici, kao niti ostali naši uposlenici, svojim plaćama nisu doprinijeli povećanju prosječne neto plaće u FBiH, te da smo, kao takvi, za nešto manje od 12 godina prešli put od „iznad prosječnih“ do daleko ispod prosjeka plaćenih radnika u FBiH. Ovo podrazumijeva da će naši zaposlenici imati i niži lični bod za izračun penzije koji je u korelaciji sa prosječnom plaćom. Pored navedenog, ako

se ima u vidu i konstantan porast troškova života, tj. „Potrošačke korpe“, te kreditna zaduženost skoro svakog od nas, jasno je u kakvom se položaju nalaze naši članovi.

Zbog toga „povećanje plaće“ kroz vrijednost boda od **1.05**, **koje to nije**, smatramo odsustvom razumijevanja, te **zahtjevamo da se naše plaće usklade i dovedu u međuodnos sa prosječnom neto plaćom koji je kao takav bio 2010 godine**. Sve osim toga shvatiti ćemo kao jasnu poruku da je nama policajcima i našim kolegama državnim službenicima, a naročito namještenicima, namijenjeno mjesto na marginama društva, kojima je primjereno davati / udjeljivati milostinju - „sadaku“ od 5%.

Nadamo se da to vama, kao donosiocima odluka, nije istinsko opredjeljenje već da se radi o pomanjkanju informacija uzrokovanim izostankom dijaloga sa socijalnim partnerima, za šta je ovaj Sindikat uvijek otvoren na principima razmjene argumenata i uvažavanja svih relevantnih okolnosti za iznalaženje pravednih rješenja.

S poštovanjem,

PREDSJEDNIK UPRAVNOG ODBORA


Mihret Rotić

Dostavljeno:

- Naslovu;
- Oglasne ploče;
- a/a

Sarajevo, Ulica Mehmeda Spahe broj 7
Telefon: +387 33 280-020
fmup-sindikat@outlook.com
www.fmup-sindikat.com

TRANSAKCIJSKI RAČUNI:
Unicredit banka 3383202251204430 (Sindikat)
Identifikacioni broj: 4200855500004